

## 妙法蓮華經卷第六

後秦龜茲國三藏法師鳩摩羅什奉 詔譯

### ◎隨喜功德品第十八

[0046b22] 爾時，彌勒菩薩摩訶薩白佛言：「世尊！若有善男子、善女人，聞是法華經隨喜者，得幾所福？」

[0046b24] 而說偈言：

「世尊滅度後， 其有聞是經，  
若能隨喜者， 為得幾所福？」

[0046b27] 爾時，佛告彌勒菩薩摩訶薩：「阿逸多！如來滅後，若比丘、比丘尼、優婆塞、優婆夷，及餘智者若長若幼，聞是經隨喜已，從法會出，至於餘處，若在僧坊，若空閑地，若城邑、巷陌、聚落、田里，如其所聞，為父母、宗親、善友、知識，隨力演說。是諸人等，聞已隨喜，復行轉教；餘人聞已，亦隨喜轉教。如是展轉，至第五十。

[0046c04] 「阿逸多！其第五十善男子、善女人，隨喜功德，我今說之，汝當善聽。若四百萬億阿僧祇世界，六趣四生眾生——卵生、胎生、濕生、化生，若有形、無形，有想、無想，非有想、非無想，無足、二足、四足、多足，如是等在眾生數者——有人求福，隨其所欲娛樂之具，皆給與之。——眾生，與滿閻浮提金、銀、琉璃、車璫馬腦、珊瑚、虎珀、諸妙珍寶，及象、馬車乘，七寶所成宮殿樓閣等。是大施主，如是布施滿八十年已，而作是念：『我已施眾生娛樂之具，隨意所欲，然此眾生，皆已衰老年過八十，髮白面皺，將死不久，我當以佛法而訓導之。』即集此眾生，宣布法化，示教利喜，一時皆得須陀洹道、斯陀含道、阿那含道、阿羅漢道，盡諸有漏，於深禪定皆得自在，具八解脫。於汝意云何，是大施主所得功德寧為多不？」

[0046c20] 彌勒白佛言：「世尊！是人功德甚多，無量無邊。若是施主，但施眾生一切樂具，功德無量；何況令得阿羅漢果。」

[0046c23] 佛告彌勒：「我今分明語汝，是人以一切樂具，施於四百萬億阿僧祇世界六趣眾生，又令得阿羅漢果，所得功德，不如是第五十人，聞法華經一偈隨喜功德，百分、千分、百千萬億分、不及其一，乃至算數譬喻所不能知。」

[0046c28] 「阿逸多！如是第五十人展轉聞法華經隨喜功德，尚無量無邊阿僧祇，何況最初於會中聞而隨喜者，其福復勝，無量無邊阿僧祇，不可得比。

[0047a02] 「又，阿逸多！若人為是經故，往詣僧坊，若坐、若立須臾聽受，緣是功德，轉身所生，得好上妙象、馬車乘、珍寶輦輿，及乘天宮。若復有人於講法處坐，更有人來，勸令坐聽，若分座令坐，是人功德，轉身得帝釋坐處，若梵王坐處，若轉輪聖王所坐之處。

[0047a08] 「阿逸多！若復有人，語餘人言：『有經，名法華，可共往聽。』即受其教，乃至須臾聞，是人功德，轉身得與陀羅尼菩薩共生一處，利根智慧，百千萬世終不瘡痍，口氣不臭，舌常無病，口亦無病，齒不垢黑、不黃、不疎，亦不缺落，不差、不曲，脣不下垂，亦不褻縮，不麤齒，不瘡疹，亦不缺壞，亦不喎斜，不厚、不大，亦不黧黑，無諸可惡。鼻不

匾[ㄇㄨˊ]，亦不曲戾，面色不黑，亦不狹長，亦不竄曲，無有一切不可喜相。脣舌牙齒悉皆嚴好，鼻修高直，面貌圓滿，眉高而長，額廣平正，人相具足，世所生，見佛聞法，信受教誨。

[0047a20]「阿逸多！汝且觀是，勸於一人令往聽法，功德如此，何況一心聽說、讀誦，而於大眾為人分別、如說修行？」

[0047a23] 爾時世尊欲重宣此義，而說偈言：

|         |         |
|---------|---------|
| 「若人於法會， | 得聞是經典，  |
| 乃至於一偈，  | 隨喜為他說，  |
| 如是展轉教，  | 至于第五十，  |
| 最後人獲福，  | 今當分別之。  |
| 如有大施主，  | 供給無量眾，  |
| 具滿八十歲，  | 隨意之所欲。  |
| 見彼衰老相，  | 髮白而面皺，  |
| 齒疎形枯竭，  | 念其死不久，  |
| 我今應當教，  | 令得於道果。  |
| 即為方便說，  | 涅槃真實法，  |
| 世皆不牢固，  | 如水沫泡焰，  |
| 汝等咸應當，  | 疾生厭離心。  |
| 諸人聞是法，  | 皆得阿羅漢，  |
| 具足六神通，  | 三明八解脫。  |
| 最後第五十，  | 聞一偈隨喜，  |
| 是人福勝彼，  | 不可為譬□□。 |
| 如是展轉聞，  | 其福尚無量，  |
| 何況於法會，  | 初聞隨喜者。  |
| 若有勸一人，  | 將引聽法華，  |
| 言此經深妙，  | 千萬劫難遇，  |
| 即受教往聽，  | 乃至須臾聞，  |
| 斯人之福報，  | 今當分別說。  |
| 世世無口患，  | 齒不疎黃黑，  |
| 脣不厚褻缺，  | 無有可惡相，  |
| 舌不乾黑短，  | 鼻高修且直，  |
| 額廣而平正，  | 面目悉端嚴，  |
| 為人所喜見，  | 口氣無臭穢，  |
| 優鉢華之香，  | 常從其口出。  |
| 若故詣僧坊，  | 欲聽法華經，  |
| 須臾聞歡喜，  | 今當說其福。  |
| 後生天人中，  | 得妙象馬車，  |
| 珍寶之輦輿，  | 及乘天宮殿。  |

|        |         |
|--------|---------|
| 若於講法處， | 勸人坐聽經，  |
| 是福因緣得， | 釋梵轉輪座。  |
| 何況一心聽， | 解說其義趣，  |
| 如說而修行， | 其福不可量。」 |

### 妙法蓮華經去而功德品第十九

[0047c03] 爾時佛告常精進菩薩摩訶薩：「若善男子、善女人，受持是法華經，若讀、若誦、若解說、若書寫，是人當得八百眼功德、千二百耳功德、八百鼻功德、千二百舌功德、八百身功德、千二百意功德，以是功德，莊嚴六根，皆令清淨。是善男子、善女人，父母所生清淨肉眼，見於三千大千世界內外所有山林河海，下至阿鼻地獄，上至有頂，亦見其中一切眾生，及業因緣、果報生處，悉見悉知。」

[0047c11] 爾時世尊欲重宣此義，而說偈言：

|         |        |
|---------|--------|
| 「若於大眾中， | 以無所畏心， |
| 說是法華經，  | 汝聽其功德。 |
| 是人得八百、  | 功德殊勝眼， |
| 以是莊嚴故，  | 其目甚清淨。 |
| 父母所生眼，  | 悉見三千界， |
| 內外彌樓山，  | 須爾及鐵圍， |
| 并諸餘山林，  | 大海江河水， |
| 下至阿鼻獄，  | 上至有頂處， |
| 其中諸眾生，  | 一切皆悉見。 |
| 雖未得天眼，  | 肉眼力如是。 |

[0047c23] 「復次，常精進！若善男子、善女人，受持此經，若讀、若誦、若解說、若書寫，得千二百耳功德。以是清淨耳，聞三千大千世界，下至阿鼻地獄，上至有頂，其中內外種種語言音聲——象聲、馬聲、牛聲、車聲，啼哭聲、愁歎聲，螺聲、鼓聲、鍾聲、鈴聲，笑聲、語聲，男聲、女聲、童子聲、童女聲，法聲、非法聲，苦聲、樂聲，凡夫聲、聖人聲，喜聲、不喜聲，天聲、龍聲、夜叉聲、乾闥婆聲、阿修羅聲、迦樓羅聲、緊那羅聲、摩睺羅伽聲，火聲、水聲、風聲，地獄聲、畜生聲、餓鬼聲，比丘聲、比丘尼聲，聲聞聲、辟支佛聲，菩薩聲、佛聲——以要言之，三千大千世界中一切內外所有諸聲，雖未得天耳，以父母所生清淨常耳，皆悉聞知，如是分別種種音聲而不壞耳根。」

[0048a08] 爾時世尊欲重宣此義，而說偈言：

|         |        |
|---------|--------|
| 「父母所生耳， | 清淨無濁穢， |
| 以此常耳聞，  | 三千世界聲。 |
| 象馬車牛聲，  | 鍾鈴螺鼓聲， |
| 琴瑟箏篴聲，  | 簫笛之音聲， |
| 清淨好歌聲，  | 聽之而不著， |
| 無數種人聲，  | 聞悉能解了。 |

又聞諸天聲，  
及聞男女聲，  
山川嶮谷中，  
命命等諸鳥，  
地獄眾苦痛，  
餓鬼飢渴逼，  
諸阿修羅等，  
自共語言時，  
如是說法者，  
遙聞是眾聲，  
十方世界中，  
其說法之人，  
其諸梵天上，  
乃至有頂天，  
法師住於此，  
一切比丘眾，  
若讀誦經典，  
法師住於此，  
復有諸菩薩，  
若為他人說，  
如是諸音聲，  
諸佛大聖尊，  
於諸大會中，  
持此法華者，  
三千大千界，  
下至阿鼻獄，  
皆聞其音聲，  
其耳聰利故，  
持是法花者，  
但用所生耳，  
微妙之歌音，  
童子童女聲，  
迦陵頻伽聲，  
悉聞其音聲，  
種種楚毒聲，  
求索飲食聲，  
居在大海邊，  
出于大音聲，  
安住於此間，  
而不壞耳根，  
禽獸鳴相呼，  
於此悉聞之，  
光音及遍淨，  
言語之音聲，  
悉皆得聞之，  
及諸比丘尼，  
若為他人說，  
悉皆得聞之，  
讀誦於經法，  
撰集解其義，  
悉皆得聞之，  
教化眾生者，  
演說微妙法，  
悉皆得聞之，  
內外諸音聲，  
上至有頂天，  
而不壞耳根，  
悉能分別知，  
雖未得天耳，  
功德已如是。

[0048b16]「復次，常精進！若善男子、善女人，受持是經，若讀、若誦、若解說、若書寫，成就八百鼻功德。以是清淨鼻根，聞於三千大千世界上下內外種種諸香——須曼那華香、闍提華香、末利華香、瞻蔔華香、波羅羅華香，赤蓮華香、青蓮華香、白蓮華香，華樹香、菓樹香，栴檀香、沈水香、多摩羅跋香、多伽羅香，及千萬種和香，若末、若丸、若塗香——持是經者，於此間住，悉能分別。又復別知眾生之香——象香、馬香、牛羊等香，男香、女香、童子香、童女香，及草木叢林香——若近、若遠，所有諸香，悉皆得聞，分別不錯。持是經者，雖住於此，亦聞天上諸天之香——波利質多羅、拘鞞陀羅樹香，及曼陀羅華香、摩訶曼陀羅華香、曼殊沙華香、摩訶曼殊沙華香、栴檀、沈水、種種末香，諸雜華香——如是等天香和合

所出之香，無不聞知。又聞諸天身香——釋提桓因在勝殿上，五欲娛樂嬉戲時香；若在妙法堂上，為忉利諸天說法時香；若於諸園遊戲時香；及餘天等男女身香，皆悉遙聞。如是展轉乃至梵世，上至有頂諸天身香，亦皆聞之，并聞諸天所燒之香。及聲聞香、辟支佛香、菩薩香、諸佛身香，亦皆遙聞，知其所在。雖聞此香，然於鼻根不壞不錯，若欲分別為他人說，憶念不謬。」

[0048c11] 爾時世尊欲重宣此義，而說偈言：

|         |        |
|---------|--------|
| 「是人鼻清淨， | 於此世界中， |
| 若香若臭物，  | 種種悉聞知。 |
| 須曼那鬘提，  | 多摩羅栴檀， |
| 沈水及桂香，  | 種種華菓香， |
| 及知眾生香，  | 男子女人香， |
| 說法者遠住，  | 聞香知所在。 |
| 大勢轉輪王，  | 小轉輪及子， |
| 群臣諸宮人，  | 聞香知所在。 |
| 身所著珍寶，  | 及地中寶藏， |
| 轉輪王寶女，  | 聞香知所在。 |
| 諸人嚴身具，  | 衣服及瓔珞， |
| 種種所塗香，  | 聞香知其身。 |
| 諸天若行坐，  | 遊戲及神變， |
| 持是法華者，  | 聞香悉能知。 |
| 諸樹華菓實，  | 及酥油香氣， |
| 持經者住此，  | 悉知其所在。 |
| 諸山深嶮處，  | 栴檀樹花敷， |
| 眾生在中者，  | 聞香皆能知。 |
| 鐵圍山大海，  | 地中諸眾生， |
| 持經者聞香，  | 悉知其所在。 |
| 阿修羅男女，  | 及其諸眷屬， |
| 鬪爭遊戲時，  | 聞香皆能知。 |
| 曠野險隘處，  | 師子象虎狼， |
| 野牛水牛等，  | 聞香知所在。 |
| 若有懷妊者，  | 未辯其男女， |
| 無根及非人，  | 聞香悉能知。 |
| 以聞香力故，  | 知其初懷妊， |
| 成就不成就，  | 安樂產福子。 |
| 以聞香力故，  | 知男女所念， |
| 染欲癡恚心，  | 亦知修善者。 |
| 地中眾伏藏，  | 金銀諸珍寶， |
| 銅器之所盛，  | 聞香悉能知。 |



|        |         |
|--------|---------|
| 種種諸嬰珞， | 無能識其價，  |
| 聞香知貴賤， | 出處及所在。  |
| 天上諸華等， | 曼陀曼殊沙，  |
| 波利質多樹， | 聞香悉能知。  |
| 天上諸宮殿， | 上中下差別，  |
| 眾寶花莊嚴， | 聞香悉能知。  |
| 天園林勝殿， | 諸觀妙法堂，  |
| 在中而娛樂， | 聞香悉能知。  |
| 諸天若聽法， | 或受五欲時，  |
| 來往行坐臥， | 聞香悉能知。  |
| 天女所著衣， | 好華香莊嚴，  |
| 周旋遊戲時， | 聞香悉能知。  |
| 如是展轉上， | 乃至於梵世，  |
| 入禪出禪者， | 聞香悉能知。  |
| 光音遍淨天， | 乃至於有頂，  |
| 初生及退沒， | 聞香悉能知。  |
| 諸比丘眾等， | 於法常精進，  |
| 若坐若經行， | 及讀誦經法，  |
| 或在林樹下， | 專精而坐禪，  |
| 持經者聞香， | 悉知其所在。  |
| 菩薩志堅固， | 坐禪若讀誦，  |
| 或為人說法， | 聞香悉能知。  |
| 在在方世尊， | 一切所恭敬，  |
| 愍眾而說法， | 聞香悉能知。  |
| 眾生在佛前， | 聞經皆歡喜，  |
| 如法而修行， | 聞香悉能知。  |
| 雖未得菩薩， | 無漏法生鼻，  |
| 而是持經者， | 先得此鼻相。」 |

[0049b15]「復次，常精進！若善男子、善女人，受持是經，若讀、若誦、若解說、若書寫，得千二百舌功德。若好、若醜，若美、不美，及諸苦澁物，在其舌根，皆變成上味，如天甘露，無不美者。若以舌根於大眾中有所演說，出深妙聲，能入其心，皆令歡喜快樂。又諸天子、天女，釋梵諸天，聞是深妙音聲，有所演說言論次第，皆悉來聽。及諸龍、龍女，夜叉、夜叉女，乾闥婆、乾闥婆女，阿修羅、阿修羅女，迦樓羅、迦樓羅女，緊那羅、緊那羅女，摩睺羅伽、摩睺羅伽女，為聽法故，皆來親近恭敬供養。及比丘、比丘尼，優婆塞、優婆夷，國王、王子、群臣、眷屬，小轉輪王、大轉輪王、七寶千子內外眷屬，乘其宮殿，俱來聽法，以是菩薩善說法故。婆羅門、居士、國內人民，盡其形壽，隨侍供養。又諸聲聞、辟支佛、菩薩、諸佛，常樂見之。是人所在方面，諸佛皆向其處說法，悉能受持一切佛法，又能出於深妙法音。」

[0049c03] 爾時世尊欲重宣此義，而說偈言：

|         |        |
|---------|--------|
| 「是人舌根淨， | 終不受惡味， |
| 其有所食噉，  | 悉皆成甘露。 |
| 以采爭妙聲，  | 於大眾說法， |
| 以諸因緣□□□ | 引導眾生心， |
| 聞者皆歡喜，  | 設諸上供養。 |
| 諸天龍夜叉，  | 及阿修羅等， |
| 皆以恭敬心，  | 而共來聽法， |
| 是說法之人，  | 若欲以妙音， |
| 遍滿三千界，  | 隨意即能至。 |
| 大小轉輪王，  | 及千子眷屬， |
| 合掌恭敬心，  | 常來聽受法。 |
| 諸天龍夜叉，  | 羅□毘舍闍， |
| 亦以歡喜心，  | 常樂來供養。 |
| 梵天王魔王，  | 自在大自在， |
| 如是諸天眾，  | 常來至其所。 |
| 諸佛及弟子，  | 聞其說法音， |
| 常念而守護，  | 或時為現身。 |

[0049c22] 「復次，常精進！若善男子、善女人，受持是經，若讀、若誦、若解說、若書寫，得八百身功德。得清淨身、如淨琉璃，眾生悉見。其身淨故，三千大千世界眾生，生時、死時，上下、好醜，生善處、惡處，悉於中現。及鐵圍山、大鐵圍山、彌樓山、摩訶彌樓山等諸山，及其中眾生，悉於中現。下至阿鼻地獄，上至有頂，所有及眾生，悉於中現。若聲聞、辟支佛、菩薩、諸佛說法，皆於身中現其色像。」

[0050a01] 爾時世尊欲重宣此義，而說偈言：

|         |        |
|---------|--------|
| 「若持法花者， | 其身甚清淨， |
| 如彼淨琉璃，  | 眾生皆悉見。 |
| 又如淨明鏡，  | 悉見諸色像， |
| 菩薩於淨身，  | 皆見世所有， |
| 唯獨自明了，  | 餘人所不見。 |
| 三千世界中，  | 一切諸群萌， |
| 天人阿修羅，  | 地獄鬼畜生， |
| 如是諸色像，  | 皆於身中現。 |
| 諸天等宮殿，  | 乃至於有頂， |
| 鐵圍及彌樓，  | 摩訶彌樓山， |
| 諸大海水等，  | 皆於身中現。 |
| 諸佛及聲聞，  | 佛子菩薩等， |
| 若獨若在眾，  | 說法悉皆現。 |

雖未得無漏，    法性之妙身，  
以清淨常體，    一切於中現。

[0050a18]「復次，常精進！若善男子、善女人，如來滅後，受持是經，若讀、若誦、若解說、若書寫，得千二百意功德。以是清淨意根，乃至聞一偈一句，通達無量無邊之義，解是義已，能演說一句一偈，至於一月、四月乃至一歲，諸所說法，隨其義趣，皆與實相不相違背。若說俗間經書、治世語言、資生業等，皆順正法。三千大千世界六趣眾生，心之所行、心所動作、心所戲論，皆悉知之。雖未得無漏智慧，而其意根、清淨如此。是人有所思惟、籌量、言說，皆是佛法，無不真實，亦是先佛經中所說。」

[0050a29] 爾時世尊欲重宣此義，而說偈言：

|         |         |
|---------|---------|
| 「是人意清淨， | 明利無穢濁，  |
| 以此妙意根，  | 知上中下法，  |
| 乃至聞一偈，  | 通達無量義，  |
| 次第如法說，  | 月四月至歲。  |
| 是世界內外，  | 一切諸眾生，  |
| 若天龍及人，  | 夜叉鬼神等，  |
| 其在六趣中，  | 所念若干種，  |
| 持法花之報，  | 一時皆悉知。  |
| 十方無數佛，  | 百福莊嚴相，  |
| 為眾生說法，  | 悉聞能受持。  |
| 思惟無量義，  | 說法亦無量，  |
| 終始不忘錯，  | 以持法華故。  |
| 悉知諸法相，  | 隨義識次第，  |
| 達名字語言，  | 如所知演說。  |
| 此人有所說，  | 皆是先佛法，  |
| 以演此法故，  | 於眾無所畏。  |
| 持法花經者，  | 意根淨若斯，  |
| 雖未得無漏，  | 先有如是相。  |
| 是人持此經，  | 安住希有地，  |
| 為一切眾生，  | 歡喜而愛敬。  |
| 能以千萬種，  | 善巧之語言，  |
| 分別而說法，  | 持法花經故。」 |

## 妙法蓮華經常不輕菩薩品第二十

[0050b24] 爾時，佛告得大勢菩薩摩訶薩：「汝今當知！若比丘、比丘尼、優婆塞、優婆夷持法花經者，若有惡口、罵詈、誹謗，獲大罪報，如前所說；其所得功德，如向所說，眼、耳、鼻、舌、身、意清淨。

[0050b28]「得大勢！乃往古昔，過無量無邊不可思議阿僧祇劫，有佛名威音王如來，應供、正遍知、明行足、善逝、世間解、無上士、調御丈夫、天人師、佛、世尊。劫名離衰，國名大成。



其威音王佛，於彼世中，為天、人、阿修羅說法，為求聲聞者，說應四諦法，度生老病死，究竟涅槃；為求辟支佛者，說應十二因緣法；為諸菩薩，因阿耨多羅三藐三菩提，說應六波羅蜜法，究竟佛慧。

[0050c07]「得大勢！是威音王佛，壽四十萬億那由他阿僧祇劫；正法住世劫數，如一閻浮提微塵；像法住世劫數，如四天下微塵。其佛饒益眾生已，然後滅度。正法、像法滅盡之後，於此國土復有佛出，亦號威音王如來、應供、正遍知、明行足、善逝、世間解、無上士、調御丈夫、天人師、佛、世尊。如是次第有二萬億佛，皆同一號。

[0050c14]「最初威音王如來既已滅度，正法滅後，於像法中，增上慢比丘有大勢力。爾時有一菩薩比丘名常不輕。得大勢！以何因緣名常不輕？是比丘，凡有所見——若比丘、比丘尼、優婆塞、優婆夷——皆悉禮拜讚歎而作是言：『我深敬汝等，不敢輕慢。所以者何？汝等皆行菩薩道，當得作佛。』而是比丘，不專讀經，但行禮拜，乃至遠見四眾，亦復故往禮拜讚歎而作是言：『我不敢輕於汝等，汝等皆當作佛。』四眾之中，有生瞋恚、心不淨者，惡口罵詈言：『是無智比丘從何所來？自言：「我不輕汝。」而與我等授記，當得作佛。我等不用如是虛妄授記。』如此經歷多年，常被罵詈，不生瞋恚，常作是言：『汝當作佛。』說是語時，眾人或以杖木瓦石而打擲之，避走遠住，猶高聲唱言：『我不敢輕於汝等，汝等皆當作佛。』以其常作是語故，增上慢比丘、比丘尼、優婆塞、優婆夷，號之為常不輕。是比丘臨欲終時，於虛空中，具聞威音王佛先所說法華經二十千萬億偈，悉能受持，即得如上眼根清淨、耳鼻舌身意根清淨。得是六根清淨已，更增壽命二百萬億那由他歲，廣為人說是法華經。於時增上慢四眾——比丘、比丘尼、優婆塞、優婆夷——輕賤是人，為作不輕名者，見其得大神通力、樂說辯辭力、大善寂力，聞其所說，皆信伏隨從。是菩薩復化千萬億眾，令住阿耨多羅三藐三菩提。命終之後，得□二千億佛，皆號日月燈明。

於其法中，說是法華經。以是因緣，復□二千億佛，同號雲自在燈王，於此諸佛法中，受持讀誦，為諸四眾說此經典故，得是常眼清淨、耳、鼻、舌、身、意諸根清淨，於四眾中說法，心無所畏。

[0051a17]「得大勢！是常不輕菩薩摩訶薩，供養如是若干諸佛，恭敬、尊重、讚歎、種諸善根，於後復□千萬億佛，亦於諸佛法中說是經典，功德成就，當得作佛。」

[0051a21]「得大勢！於意云何？爾時常不輕菩薩豈異人乎？則我身是。若我於宿世不受持讀誦此經，為他人說者，不能疾得阿耨多羅三藐三菩提。我於先佛所，受持讀誦此經，為人說故，疾得阿耨多羅三藐三菩提。

[0051a26]「得大勢！彼時四眾——比丘、比丘尼、優婆塞、優婆夷——以瞋恚意輕賤我故，二百億劫常不□佛、不聞法、不見僧，千劫於阿鼻地獄受大苦惱。畢是罪已，復遇常不輕菩薩，教化阿耨多羅三藐三菩提。

[0051b01]「得大勢，於汝意云何？爾時四眾常輕是菩薩者，豈異人乎？今此會中跋陀婆羅等五百菩薩、師子月等五百比丘、尼思佛等五百優婆塞，皆於阿耨多羅三藐三菩提不退轉者是。

[0051b05]「得大勢！當知是法華經，大饒益諸菩薩摩訶薩，能令至於阿耨多羅三藐三菩提。是故諸菩薩摩訶薩，於如來滅後，常應受持、讀誦、解說、書寫是經。」

[0051b09] 爾時世尊欲重宣此義，而說偈言：

|                                                                                                                                                                                                                                            |                                                                                                                                                                                                                                               |                                                                                                                                                                                                                                           |
|--------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------|
| 「過去有佛，<br>將導一切，<br>是佛滅後，<br>名常不輕。<br>不輕菩薩，<br>『我不輕女，<br>諸人聞已，<br>能忍受之。<br>得聞此經，<br>增益壽命，<br>諸著法眾，<br>令住佛道。<br>說是經故，<br>疾成佛道。<br>時四部眾，<br>『汝當作佛。』<br>此會菩薩，<br>清信士女，<br>我於前世，<br>第一之法，<br>世世受持，<br>至不可議，<br>億億萬劫，<br>時說是經，<br>聞如是經，<br>廣說此經， | 號威音王，<br>天人龍神，<br>法欲盡時，<br>時諸四眾，<br>往到其所，<br>汝等行道，<br>輕毀罵詈；<br>其罪畢已，<br>六根清淨，<br>復為諸人，<br>皆蒙菩薩，<br>不輕命終，<br>得無量福，<br>彼時不輕，<br>著法之者，<br>以是因緣，<br>五百之眾，<br>今於我前，<br>勸是諸人，<br>開示教人，<br>如是經典，<br>時乃得聞，<br>至不可議，<br>是故行者，<br>勿生疑惑，<br>世世□佛□□疾成佛道。』 | 神智無量，<br>所共供養。<br>有一菩薩，<br>計著於法，<br>而語之言：<br>『皆當作佛。』<br>不輕菩薩，<br>臨命終時，<br>神通力故，<br>廣說是經，<br>教化成就，<br>□無數佛□<br>漸具功德，<br>則我身是，<br>聞不輕言：<br>□無數佛□<br>并及四部，<br>聽法者是，<br>聽受斯經，<br>令住涅槃，<br>億億萬劫，<br>是法華經，<br>諸佛世尊，<br>於佛滅後，<br>應當一心，<br>疾成佛道。』 |
|--------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------|

### 妙法蓮華經來神力品第二十一

[0051c09] 爾時，千世界微塵等菩薩摩訶薩，從地踊出者，皆於佛前一心合掌，瞻仰尊顏，而白佛言：「世尊！我等於佛滅後，世尊分身所在國土滅度之處，當廣說此經。所以者何？我等亦自欲得是真淨大法，受持、讀誦、解說、書寫，而供養之。」

[0051c14] 爾時世尊，於文殊師利等無量百千萬億舊住娑婆世界菩薩摩訶薩，及諸比丘、比丘尼、優婆塞、優婆夷、天、龍、夜叉、乾闥婆、阿修羅、迦樓羅、緊那羅、摩睺羅伽、人非人等，一切眾前，現大神力，出廣長舌上至梵世，一切毛孔放於無量無數色光，皆悉遍照十方世界。眾寶樹下、師子座上諸佛，亦復如是，出廣長舌，放無量光。釋迦牟尼佛及寶樹下諸佛

現神力時，滿百千歲，然後還攝舌相。一時警歎、俱共彈指，是二音聲，遍至十方諸佛世界，地皆六種震動。其中眾生，天、龍、夜叉、乾闥婆、阿修羅、迦樓羅、緊那羅、摩睺羅伽、人非人等，以佛神力故，皆見此娑婆世界，無量無邊百千萬億眾寶樹下、師子座上諸佛；及見釋迦牟尼佛共多寶如來，在寶塔中、坐師子座；又見無量無邊百千萬億菩薩摩訶薩及諸四眾，恭敬圍繞釋迦牟尼佛。既見是已，皆大歡喜，得未曾有。即時諸天、於虛空中、高聲唱言：「過此無量無邊百千萬億阿僧祇世界，有國名娑婆，是有佛名釋迦牟尼，今為諸菩薩摩訶薩說大乘經，名妙法蓮華，教菩薩法，佛所護念。汝等當深心隨喜，亦當禮拜供養釋迦牟尼佛。」彼諸眾生，聞虛空中聲已，合掌向娑婆世界作如是言：「南無釋迦牟尼佛！南無釋迦牟尼佛！」以種種華、香、瓔珞、幡蓋，及諸嚴身之具、珍寶妙物，皆共遙散娑婆世界。所散諸物，從十方來，譬如雲集，變成寶帳，遍覆此間諸佛之上。于時十方世界，通達無礙，如一佛土。

[0052a13] 爾時，佛告上行等菩薩大眾：「諸佛神力如是，無量無邊，不可思議，若我以是神力，於無量無邊百千萬億阿僧祇劫，為囑累故，說此經功德，猶不能盡。以要言之，如來一切所有之法、如來一切自在神力、如來一切祕要之藏、如來一切甚深之事，皆於此經宣示顯說。是故汝等於如來滅後，應一心受持、讀誦、解說、書寫、如說修行。所在國土，若有受持、讀誦、解說、書寫、如說修行，若經卷所住之處，若於園中、若於林中、若於樹下、若於僧坊、若白衣舍、若在殿堂、若山谷曠野，是中皆應起塔供養。所以者何？當知是處，即是道場，諸佛於此得阿耨多羅三藐三菩提，諸佛於此轉于法輪，諸佛於此而般涅槃。」

[0052a27] 爾時世尊欲重宣此義，而說偈言：

|         |        |
|---------|--------|
| 「諸佛救世者， | 住於大神通， |
| 為悅眾生故，  | 現無量神力， |
| 舌相至梵天，  | 身放無數光， |
| 為求佛道者，  | 現此希有事。 |
| 諸佛警歎聲，  | 及彈指之聲， |
| 周聞十方國，  | 地皆六種動。 |
| 以佛滅度後，  | 能持是經故， |
| 諸佛皆歡喜，  | 現無量神力。 |
| 囑累是經故，  | 讚美受持者， |
| 於無量劫中，  | 猶故不能盡。 |
| 是人之功德，  | 無邊無有窮， |
| 如十方虛空，  | 不可得邊際。 |
| 能持是經者，  | 則為已見我， |
| 亦見多寶佛，  | 及諸分身者， |
| 又見我今日，  | 教化諸菩薩。 |
| 能持是經者，  | 令我及分身， |
| 滅度多寶佛，  | 一切皆歡喜。 |
| 十方現在佛，  | 并過去未來， |
| 亦見亦供養，  | 亦令得歡喜。 |
| 諸佛坐道場，  | 所得祕要法， |



|        |         |
|--------|---------|
| 能持是經者， | 不久亦當得。  |
| 能持是經者， | 於諸法之義，  |
| 名字及言辭， | 樂說無窮盡，  |
| 如風於空中， | 一切無障礙。  |
| 於如來滅後， | 知佛所說經，  |
| 因緣及次第， | 隨義如實說，  |
| 如日月光明， | 能除諸幽冥。  |
| 斯人行世間， | 能滅眾生闇，  |
| 教無量菩薩， | 畢竟住一乘。  |
| 是故有智者， | 聞此功德利，  |
| 於我滅度後， | 應受持斯經，  |
| 是人於佛道， | 決定無有疑。」 |

## 妙法蓮華經屬累品第二十二

[0052c04] 爾時，釋迦牟尼佛從去座起，現大神力，以右手摩無量菩薩摩訶薩頂，而作是言：「我於無量百千萬億阿僧祇劫，修習是難得阿耨多羅三藐三菩提法，今以付囑汝等。汝等應當一心流布此法，廣令增益。」如是三摩諸菩薩摩訶薩頂，而作是言：「我於無量百千萬億阿僧祇劫，修習是難得阿耨多羅三藐三菩提法，今以付囑汝等。汝等當受持、讀誦、廣宣此法，令一切眾生普得聞知。所以者何？如來有大慈悲，無諸罣吝，亦無所畏，能與眾生、佛之智慧、如來智慧、自然智慧，如來是一切眾生之大施主。汝等亦應隨學如來之法，勿生罣吝。於未來世，若有善男子、善女人，信如來智慧者，當為演說此法華經，使得聞知，為令其人得佛慧故。若有眾生不信受者，當於如來餘采法中，示教利喜。汝等若能如是，則為已報諸佛之恩。」

[0052c21] 時諸菩薩摩訶薩，聞佛作是說已，皆大歡喜遍滿其身，益加恭敬，曲躬、低頭、合掌向佛，俱發聲言：「如世尊勅，當具奉行。唯然，世尊！願不有慮。」諸菩薩摩訶薩眾，如是三反，俱發聲言：「如世尊勅，當具奉行。唯然，世尊！願不有慮。」

[0052c26] 爾時釋迦牟尼佛令十方來諸分身佛各還本土，而作是言：「諸佛各隨所安，多寶佛塔還可如故。」說是語時，十方無量分身諸佛——坐寶樹下師子座上者，及多寶佛，并上行等無邊阿僧祇菩薩大眾，舍利弗等聲聞四眾，及一切世間天、人、阿修羅等，聞佛所說，皆大歡喜。

## 妙法蓮華經藥王菩薩本事品第二十三

[0053a05] 爾時宿王華菩薩白佛言：「世尊！藥王菩薩云何遊於娑婆世界？世尊！是藥王菩薩有若干百千萬億那由他難行苦行？善哉，世尊！願少解說。」諸天、龍、神、夜叉、乾闥婆、阿修羅、迦樓羅、緊那羅、摩睺羅伽、人非人等，又他國土諸來菩薩，及此聲聞眾，聞皆歡喜。

[0053a10] 爾時佛告宿王華菩薩：「乃往過去無量恒河沙劫，有佛號日月淨明德如來，應供、正遍知、明行足、善逝、世間解、無上士、調御丈夫、天人師、佛、世尊。其佛有八十億大菩薩摩訶薩，七十二恒河沙大聲聞眾，佛壽四萬二千劫，菩薩壽命亦等。彼國無有女人、地獄、

餓鬼、畜生、阿修羅等，及以諸難；地平如掌，琉璃所成，寶樹莊嚴，寶帳覆上，垂寶華幡，寶瓶香爐周遍國界，七寶為臺，一樹一臺，其樹去臺盡一箭道。此諸寶樹，皆有菩薩，聲聞而坐其下。諸寶臺上，各有百億諸天作天伎樂，歌讚於佛，以為供養。爾時彼佛為一切眾生，憙見菩薩，及眾菩薩，諸聲聞眾，說法華經。

[0053a23]「是一切眾生憙見菩薩，樂習苦行，於日月淨明德佛法中，精進經行，一心求佛，滿萬二千歲已，得現一切色身三昧。得此三昧已，心大歡喜，即作念言：『我得現一切色身三昧，皆是得聞法華經力，我今當供養日月淨明德佛及法華經。』即時入是三昧，於虛空中，雨曼陀羅華、摩訶曼陀羅華、細末堅黑栴檀，滿虛空中，如雲而下，又雨海彼岸栴檀之香——此香六銖，價直娑婆世界——以供養佛。作是供養已，從三昧起，而自念言：『我雖以神力供養於佛，不如以身供養。』即服諸香——栴檀、薰陸、兜樓婆、畢力迦、沈水、膠香，又飲瞻蔔諸華香油，滿千二百歲已，香油塗身，於日月淨明德佛前，以天寶衣而自纏身，灌諸香油，以神通力願而自然身，光明遍照八十億恒河沙世界。其中諸佛同時讚言：『善哉，善哉！善男子！是真精進，是真法供養如來。若以華、香、瓔珞、燒香、末香、塗香、天繒、幡蓋及海彼岸栴檀之香，如是等種種諸物供養，所不能及；假使國城、妻子布施，亦所不及。善男子！是真第一之施，於諸施中最尊最上，以法供養諸如來故。』作是語已而各默然。其身火燃千二百歲，過是已後，其身乃盡。

[0053b18]「一切眾生憙見菩薩作如是法供養已，命終之後，復生日月淨明德佛國中，於淨德王家結跏趺坐，忽然化生。即為其父而說偈言：

|         |         |
|---------|---------|
| 『大王今當知， | 我經行彼處，  |
| 即時得一切，  | 現諸身三昧。  |
| 勤行大精進，  | 捨所愛之身，  |
| 供養於世尊，  | 為求無上慧。』 |

[0053b26]「說是偈已，而白父言：『日月淨明德佛，今故現在。我先供養佛已，得解一切眾生語言陀羅尼，復聞是法華經八百千萬億那由他甄迦羅、頻婆羅、阿閼婆等偈。大王！我今當還供養此佛。』白已，即坐七寶之臺，上昇虛空，高七多羅樹，往到佛所，頭面禮足，合十指爪，以偈讚佛：

|         |         |
|---------|---------|
| 『容顏甚奇妙， | 光明照十方，  |
| 我適曾供養，  | 今復還親觀。』 |

[0053c06]「爾時，一切眾生憙見菩薩說是偈已，而白佛言：『世尊！世尊猶故在世。』爾時日月淨明德佛，告一切眾生憙見菩薩：『善男子！我涅槃時到，滅盡時至，汝可安施床座，我於今夜當般涅槃。』又勅一切眾生憙見菩薩：『善男子！我以佛法囑累於汝及諸菩薩大弟子，并阿耨多羅三藐三菩提法，亦以三千大千七寶世界諸寶樹、寶臺及給侍諸天，悉付於汝。我滅度後，所有舍利亦付囑汝，當令流布，廣設供養，應起若干千塔。』如是日月淨明德佛勅一切眾生憙見菩薩已，於夜後分入於涅槃。



[0053c17]「爾時，一切眾生意見菩薩見佛滅度，悲感、懊惱，戀慕於佛，即以海彼岸栴檀為[廿]積，供養佛身，而以燒之。火滅已後，收取舍利，作八萬四千寶瓶，以起八萬四千塔，高三世界，表□莊嚴□垂諸幡蓋□懸眾寶鈴□

[0053c22]「爾時一切眾生意見菩薩復自念言：『我雖作是供養，心猶未足，我今當更供養舍利。』便語諸菩薩大弟子及天、龍、夜叉等一切大眾：『汝等當一心念，我今供養日月淨明德佛舍利。』作是語已，即於八萬四千塔前，燃百福莊嚴臂七萬二千歲而以供養，令無數求聲聞眾、無量阿僧祇人，發阿耨多羅三藐三菩提心，皆使得住現一切色身三昧。

[0054a01]「爾時，諸菩薩、天、人、阿修羅等，見其無臂，憂惱悲哀而作是言：『此一切眾生意見菩薩，是我等師，教化我者，而今燒臂，身不具足。』于時一切眾生意見菩薩，於大眾中立此誓言：『我捨兩臂，必當得佛金色之身，若實不虛，令我兩臂還復如故。』作是誓已，自然還復，由斯菩薩福德智慧淳厚所致。當爾之時，三千大千世界六種震動，天雨寶華，一切人、天得未曾有。」

[0054a09] 佛告宿王華菩薩：「於汝意云何？一切眾生意見菩薩，豈異人乎？今藥王菩薩是也。其所捨身布施，如是無量百千萬億那由他數。

[0054a12]「宿王華！若有發心欲得阿耨多羅三藐三菩提者，能燃手指，乃至足一指，供養佛塔，勝以國城、妻子，及三千大千國土山林河池、諸珍寶物、而供養者，若復有人，以七寶滿三千大千世界，供養於佛，及大菩薩、辟支佛、阿羅漢，是人所得功德，不如受持此法華經，乃至一四句偈，其福最多。

[0054a19]「宿王華！譬如一切川流江河，諸水之中海為第一；此法華經亦復如是，於諸如來所說經中，最為深大。又如土山、黑山、小鐵圍山、大鐵圍山及十寶山，眾山之中，須彌山為第一；此法華經亦復如是，於諸經中為最其上。又如眾星之中，月天子最為第一；此法華經亦復如是，於千萬億種諸經法中，最為照明。又如日天子能除諸闇；此經亦復如是，能破一切不善之闇。又如諸小王中，轉輪聖王最為第一；此經亦復如是，於眾經中為最其尊。又如帝釋、於三十三天中王，此經亦復如是，諸經中王。又如大梵天王，一切眾生之父；此經亦復如是，一切賢聖、學、無學，及發菩薩心者之父。又如一切凡夫人中，須陀洹、斯陀含、阿那含、阿羅漢、辟支佛為第一；此經亦復如是，一切如來所說、若菩薩所說、若聲聞所說，諸經法中，最為第一。有能受持是經典者，亦復如是，於一切眾生中，亦為第一。一切聲聞、辟支佛中，菩薩為第一；此經亦復如是，於一切諸經法中，最為第一。如佛為諸法王；此經亦復如是，諸經中王。

[0054b11]「宿王華！此經能救一切眾生者，此經能令一切眾生離諸苦惱，此經能大饒益一切眾生，充滿其願。如清涼池！能滿一切諸渴乏者，如寒者得火，如裸者得衣，如商人得主，如子得母，如度得船，如病得醫，如暗得燈，如貧得寶，如民得王，如賈客得海，如炬除暗；此法華經亦復如是，能令眾生離一切苦、一切病痛，能解一切生死之縛。若人得聞此法華經，若自書、若使人書，所得功德，以佛智慧籌量多少，不得其邊。若書是經卷，華、香、瓔珞、燒香、末香、塗香，幡蓋、衣服，種種之燈——酥燈、油燈、諸香油燈、瞻蔔油燈、須曼那油燈、波羅羅油燈、婆利師迦油燈、那婆摩利油燈——供養，所得功德，亦復無量。

[0054b26]「宿王華！若有人聞是藥王菩薩本事品者，亦得無量無邊功德。若有女人聞是藥王菩薩本事品，能受持者，盡是女身，後不復受。若如來滅後後五百歲中，若有女人聞是經典，如說修行。於此命終，即往安樂世界，阿彌陀佛，大菩薩眾，圍繞住處，生蓮華中，寶座之上，不復為貪欲所惱，亦復不為瞋恚愚癡所惱，亦復不為憍慢嫉妬者垢所惱，得菩薩神通，無生法忍。得是忍已，眼根清淨，以是清淨眼根，見七百萬二千億那由他阿僧祇等諸佛如來。是時諸佛遙共讚言：『善哉，善哉！善男子！汝能於釋迦牟尼佛法中，受持讀誦，思惟是經，為他人說，所得福德無量無邊，火不能燒，水不能漂，汝之功德，千佛共說不能令盡。汝今已能破諸魔賊，壞生死軍，諸餘怨敵皆悉摧滅。善男子！百千諸佛，以神通力共守護汝，於一切世間天、人之中無如汝者，唯除如來，其諸聲聞、辟支佛，乃至菩薩，智慧禪定無有與汝等者。』宿王華！此菩薩成就如是功德智慧之力。若有人聞是藥王菩薩本事品，能隨喜讚善者，是人現世口中常出青蓮華香，身毛孔中常出牛頭栴檀之香，所得功德，如上所說。是故，宿王華！以此藥王菩薩本事品囑累於汝。我滅度後後五百歲中，廣宣流布於閻浮提，無令斷絕，惡魔、魔民、諸天、龍、夜叉、鳩槃荼等，得其便也。」

[0054c23]「宿王華！汝當以神通之力守護是經。所以者何？此經則為閻浮提人，病之良藥。若人有病，得聞是經，病即消滅，不老不死。宿王華！汝若見有受持是經者，應以青蓮花盛滿末香，供散其上。散已，作是念言：『此人不久必當取草坐於道場，破諸魔軍，當吹去螺擊大法鼓，度脫一切眾生老病死海。』是故求佛道者，見有受持是經典人，應當如是生恭敬心。」

[0055a03] 說是藥王菩薩本事品時，八萬四千菩薩得解一切眾生語言陀羅尼。多寶如來於寶塔中讚宿王華菩薩言：「善哉，善哉！宿王華！汝成就不可思議功德，乃能開釋迦牟尼佛如此之事，利益無量一切眾生。」

## 妙法蓮華經卷第六